

मैं जागूँ नींद न आये, मेरी अंखियन मोहन करके री॥

जब यह सबरौ जग सोवै है

एकहु पंछी नाय जागै है

ये छाती इक संग धरकै री, मैं जागूँ नींद..।

पनघट पै छैला आय अर्यौ

देखत ही मोषै गाज पर्यौ

उंचवावै गगरी भर के री, मैं जागूँ नींद..।

वादिन की कहा कहूं सजनी

जब दान लियौ वह रूप धनी

वह पटुका पीरौ फरकै री, मैं जागूँ नींद..।

थोरे में बहुत समझ लै री

मोय चैन न नेकहुं सुन लै री

जियरा यह रस में गरकै री, मैं जागूँ नींद..॥

-----O-----

अरि मेरे दोऊ नौनल कौ तारौ

मनमोहन मुरली तारौ॥

नन्द गाँव कौ चन्दा मोहन

ब्रज कौ है उजियारौ, मनमोहन..।

नन्द बाबा कौ कुँवर लाड़िलौ

जसुमति राज दुलारौ, मनमोहन..।

रंग रंगीले सखा संग लै

धूम मचावनहारौ, मनमोहन..।

रास रसीली सखियन के संग

रास रचावनहारौ, मनमोहन..।

जब जब भीर परी ब्रज ऊपर

ब्रजवासिन कौ रखवारौ, मनमोहन..।

रसिया बड़ौ रूप कौ लोभी

राधा प्रान पियारौ, मनमोहन..॥

-----O-----

अरि बिछुर गायो मन को प्यारो
कहाँ छिप गायो बंसी वारो॥

कुञ्ज गली वृन्दावन ढूँढ्यो
अरि मैंने ढूँढ्यो गोकुल सारो, कहाँ छिप..।

सिर पे याकै मोर पखौआ
अरि ये तो कानन कुण्डल वारो, कहाँ छिप..।

देख्यो री याके बड़े बड़े नैना
अरि ये तो अँखियन कजरा वारो, कहाँ छिप..।

कण्ठ में याके कटुला सोहै
अरि ये तो फूलन माला वारो, कहाँ छिप..।

मुख में याके मुरली सोहै
अरि ये तो माथे चन्दन वारो, कहाँ छिप..।

अंग में याके पीरो जामा
अरि ये तो पीरे पटुका वारो, कहाँ छिप..।

पीरी धोवती तन पे सोहै
अरि ये तो कमर काछनी वारो, कहाँ छिप..।

पायन याकै नूपुर सोहै
अरि ये तो चाल चलै मतवारो, कहाँ छिप..॥

मोहन की प्यारी अँखियाँ बिन देखे रह्यो न जाय॥

पतरी रेख लगी कजरा की
बलि-बलि जाऊँ तिरछी नजर की

मुसक-मुसक मेरी मन मोह्यो, तौर मरि गई माय।

देखत ही कियो जादू टोना

अब तो होय गयो जो होना

देखत ही मोय बिजरी मारी, जीऊँगी के नाय।

नैना मानों मृग के छौना

इक संग करलै ब्याह और गौना

ऐसे लूटन-हारे सों फिर कछु बचावे कौ नाय।

अँखियाँ में अँखियाँ हैं करकी

ताही दिन ते छतियाँ धरकी

अँखियाँ ढूँढ़े उन अँखियन को करती हाय हाय॥

-----O-----

मोहन रज्जुजाल दिन रैन रटैं राधे राधे॥

जागत मे राधे राधे, सोवत मे राधे राधे,

राधा बनी जीवन प्राण, रटैं राधे राधे।

बरसाने मे राधे राधे, गहवर मे राधे राधे,
 नंदभवन नंदगाम, रटैं राधे राधे।
 वृंदावन मे राधे राधे, गोवर्धन मे राधे राधे,
 राधाकुंड रावल गोकुल गाम, रटैं राधे राधे।
 पनघट है राधे राधे, जमुना पै राधे राधे,
 राधा रटन परी वाम, रटैं राधे राधे।
 कुंजन मे राधे राधे, लतन मे राधे राधे,
 सब ब्रज राधा ही भान, रटैं राधे राधे।
 दिन हू मे राधे राधे, रात हू मे राधे राधे,
 सब पल राधा ही मान, रटैं राधे राधे।
 गावत मे राधे राधे, नाचत मे राधे राधे,
 राधा कौ मुख गान, रटैं राधे राधे।
 बंसी मे राधे राधे, राग अलापत राधे,
 राधा ही बन गइ तान, रटैं राधे राधे।
 माखन चोरत राधे, दधि लूटत मे राधे,
 राधा ही ले जब दान, रटैं राधे राधे॥

-----O-----

मेरे घर कबहुं न आवै सांवरिया,
 मोय काहे को तरसावै॥

वन वन गाय चरावत डोलै
 तू तो कारी ओढ़ै कामरिया, मोय काहे..।
 सोय गई और खोय गई मैं
 मधुर बजाय दई बांसुरिया, मोय काहे..।
 सुन-सुन मोषे रह्यो न जावै
 चलगत में बाजै पायलिया, मोय काहे..।
 होलै चलूं तो चल्थो न जावै
 भाजूं तो जागै सासुरिया, मोय काहे..।
 वंशी तो नागिन सी डस गई
 फिरती डोलै बावरिया, मोय काहे..।
 सुन-सुन हियरे हुक उठत है
 डोलै पकरे पांसुरिया, मोय काहे..।
 सुमिर-सुमिर ब्रज बाला गावैं
 अंखियन ते बह गई आँसुरिया, मोय काहे..॥

-----O-----

झेंजे तोही ते जेह लगायो रे

सुन प्यारे नन्द दुलारे ॥

जग ते तोर सबन ते तोरी

नाते सब बिसरायो रे सुन प्यारे नन्द..।

तेरे खातिर जग ने ताने

दै दै गजबहि ढायो रे सुन प्यारे नन्द..।

रात नींद ना आवै दिनहु

अंगुरिन गिनत बितायो रे सुन प्यारे नन्द..।

तेरेई द्वारे आय सांवरिया

अपनों वास जमायो रे सुन प्यारे नन्द..।

लोक और परलोक भूल गई

सबसौ भार में डारयो रे सुन प्यारे नन्द..।

हंस के देखे नेंक बेदरदी

जुलमी बहुत खिजायो रे सुन प्यारे नन्द..।

-----O-----

गागरिया मेरी उचावैगो, कन्हैया बंसी वारो।

ऊँची सिढ़ियाँ घाट रिपटनो

ये दोनूं हाथ लगावैगो कन्हैया बंसी वारो।

जमुना तीर छांह कदमन की

ये गैया आय चरावैगो कन्हैया बंसी वारो।

जब देखे सिर दही मथनियां

ये दधि की लूट मचावैगो कन्हैया बंसी वारो।

छींके पै लौनी धर आई

ये चोरी करके खावैगो कन्हैया बंसी वारो।

सांझ समय खिरका में मेरे

ये गैया आय दुहावैगो कन्हैया बंसी वारो।

मेरे घर के पिछवारे ते

ये हेलाहेल मचावैगो कन्हैया बंसी वारो।

जमुना तीर रात आधी पै

ये बंसी मधुर बजावैगो कन्हैया बंसी वारो।।

-----O-----

मेरो सांवरो सलोना न देख्यो सजनी ।।

सांवरी सुरतिया मोहनी मुरतिया
लागै नजर न टोना, मेरो सांवरो..।
मुख में चमकत दूध की सी दतियां
तीखे नैनन के कोना, मेरो सांवरो..।
किलक किलक पलना में झूलै
खावै माखन कौ लौना, मेरो सांवरो..।
भागन ते पायो गरीबनी ने श्याम धन
जीवै जागै ये छोना, मेरो सांवरो..।।

-----O-----

लीलम का बलीना मेरा श्याम सलोना ।
सोने की अंगूठी राधे चोरी कहूँ हो ना।
या मुंदरी को वो ही पहरे बड़ी रसीली होय,
मुंदरी पहरे सब जग भूलै, भूलै रोना धोना।
मुंदरी पहरी ब्रज की गोपी छोड़ के दुनियां सारी,
प्रेम छकीं नाचै मतवारी होनी होय सो होना।
ऐसी सुंदर जोरी प्यारी तीन लोक में नाहीं,
नजर न लागै काहु की ना लगै काहु को टोना।।

लीलम का बलीना प्यारा श्याम सलोना ।

ऐसों प्रेम भरयो ठाकुर कोई और नहीं है होना ।।
गोकुल छठवें दिन ही हरि के पास पूतना आई,
जहर पिवाय राक्षसी नें हू जननी की गति पाई,
ऐसो दया भरयो ठाकुर कोइ और नहीं है होना ।
दूध दही माखन की चोरी धर-धर करी कन्हारि,
चोरी के भिस गोपिन की दरसन की आस पुरारि,
ऐसो कृपा भरयो ठाकुर कोइ और नहीं है होना ।
वृन्दावन वंशीवट मोहन ने जब वंशी बजाई,
गोपी आई रास रचायो नाचै सबही नचाई,
ऐसो रंग भरयो ठाकुर कोइ और नहीं है होना ।।

-----O-----

श्याम बड़ो जादूगर स्मरमोर ।।

ब्याही क्वारी कोई होवै, जादू मारै ठौर ।
टोना कामन मूठ घात सब, चलै नैन की कोर ।
मंतर जंतर बसीकरन(सब)याके बैनन बसर रहे चोर ।
बंसी मारन जंत्र भई, गोपिन को मारै जोर ।
कौन बचैगी कौन बसै ब्रज, माखन चोर छिछोर ।।

इक श्याम छैल ब्रज आवै री, गोरी बचती रहियो ॥

बच जैयो गलियन जो पावै
वो पीछे पीछे आवे री, गोरी..।
जो आगे आड़ो धरै री
तू धूंधट नाहि उठैयो री, गोरी..।
जो धूंधट तेरो खोलै री
तू नैना नाहि मिलैयो री, गोरी..।
जो नैना तेरे मिल जावै
तू नैकौ ना मुसकैयो री, गोरी..।
जो बरबस नैना मुसकावै
तू हंस हंस मत लिपटैयो री, गोरी..।
जो हंस लिपटावै कहैं सखी फिर
घर कूँ मत बगदैयो री, गोरी..।।

-----O-----

ये कहा तो भयो,

श्याम राधा रानी को गुलाम भयो ॥

जब ते देखी भानु लाङ्गिनी,
बिक ही गयो, श्याम राधा रानी को..।

चंदा वदनी देख देख के,
चकोर भयो, श्याम राधा रानी को..।
प्यारी के मुख कमल पान को,
भ्रमर भयो, श्याम राधा रानी को..।
हरिण भयो, श्याम राधा रानी को..।
राधा अंग सुगंध लेन को,
राधा भयो, राधा रटतो डोलै,
पपीहा भयो, श्याम राधा रानी को..।
राधा की पायल सुन नाचै,
मोर भयो, श्याम राधा रानी को..।।

-----O-----

सांवरिया की प्यारी-प्यारी तिरछी बजरिया,

मर मर जावे गुजरिया ॥

तिरछे नैना तिरछे सैना तिरछी रेख कजरिया।
जादू टोना मूठ चलावै, मंतर मार नजरिया।
वशीकरन मानो है सजनी, अपने वश में करिया।
चाहे जैसो नाच नचावै, कीनी काठ पुतरिया।
कुल के घर के बैरी लागैं, लोक लाज सब जरिया।
कृष्ण नाम की टेर लगी है, नैनन सों जल झरिया।।

मैया ने दियो लड्डू फूट गयो,
कन्हैया प्यारो मैया ते रख गयो॥

भोरइ सोइ उठ्यो नंदलाला
माखन मांग रह्यो गोपाला
पकर्यो आंचर मैया को छूट गयो, कन्हैया...।

आंचर छोड़ दह्यो मथ दूंगी
सद लौनी निकसत ही दउंगी
रोवै श्याम आंसू छूट गयो, कन्हैया प्यारो...।

दही चलाऊं जो लौं छंगना
लड्डुवा लै लै रख्यो मगना
कान्हा को मुख खूट गयो, कन्हैया प्यारो...।

लड्डुवा दियो बड़ौ मोटो सो
पकरो गयो न श्याम सुन्दर सो

लड्डुवा गिर कै टूट गयो, कन्हैया प्यारो...।

कान्हा रोवत पांव न पटकै

काजर मीडै हाथ न झटकै

मैया को मन टूट गयो, कन्हैया प्यारो...।

परबस है के ठाढ़ी, मोह लइ मोहन ने॥

जाय रही कुंजन वन इकली
पचरंग चूनर गाढ़ी, खैंच लइ मोहन ने।

बच के निकसी लाजन इकली
लंबो धुंधट मारे, खोल दइ मोहन ने।

जैसे तैसे चली पीठ है
अपने मुख को फेरे, पकर लई मोहन ने।

रस की बतियां कहन लग्यो वह
भाजी जा बजमारे झपट लइ मोहन ने।

सोवत जागत नागर देखूँ
टोना कैसो मोपै कर दियो मोहन ने॥

-----O-----

तेरी लजर है या टोला, ये जादू टोला,

लजरिया मत मारै रे॥

जा दिन लागी नैन कटारी

हिरनी सी तैने घायल मारी

है गयो रोना धोना, ये जादू टोना...।

सुनो जी सुनो तुम नंद के छैया

कृष्ण कन्हैया माखन चुरैया
चित को अब चोरो ना, ये जादू टोना..।

लटुरी लटकै कारी कारी
गालन पै छाई घुंघरारी

कैसो रूप सलोना, ये जादू टोना..।

एक बार तू हंस मुसका दे
तिरछे नैना बान चला दे

तिरछे नैना कोना, ये जादू टोना..।

बंसी बजैयो कुंवर कन्हई
दौरी दौरी सुनवे आई

सुध बुध सब ही खोना, ये जादू टोना..।।

-----O-----

चोर चोर, माखन चोर, चीर चोर, चित चोर।।

रात विरात घरन में आवै

माखन के भिस धूम मचावै

चोर चोर मटकी फोर चीर चोर चित चोर।

सब सखियाँ मिल यमुना जावैं

चीर खोल गोता लै न्हवैं

चोर चोर बरजोर चीर चोर चित चोर।

अँखियन में ये हंसे हँसावै
अँखियन में ही मान मनावै

चोर चोर रस चोर चीर चोर चित चोर।।

-----O-----

ये आया माखन चोर ब्रज की गलियन।

यशुदा को छैया कुंवर कन्हैया

ये नंद किशोर, ब्रज की गलियन।

रंग रंगीले ग्वाल बाल संग

ये कर रहे शोर, ब्रज की गलियन।

नाचैं गावैं सैन चलावैं

ये मटक मरोर, ब्रज की गलियन।

मुरली महुवर ढोलक बाजैं

धुनी घनघोर, ब्रज की गलियन।

ऐसी को जो बचके आवैं

लुटैगी बरजोर, ब्रज की गलियन।

दूध दही और माखन लैवैं

नैनन की कोर, ब्रज की गलियन।।

राधावर कुञ्जविहारी रे राधे गोविंद बोलो ।।

नंद बाबा और यशुदा मैया

भैया बल हलधारी रे राधे गोविंद बोलो ।

दूध पियत पूतना पछारी

अध बक धेनुक मारी रे राधे गोविंद बोलो ।

बड़े बड़े असुरन संहारयो

नाशयो सौ फणधारी रे राधे गोविंद बोलो ।

सात दिना तक गिरिवर धारयो

नाम पर्यो गिरिधारी रे राधे गोविंद बोलो ।

वृन्दावन में रास रचायो

राधा रास विहारी रे राधे गोविंद बोलो ।

बरसाने ते भई सगाई

जोरी भानदुलारी रे राधे गोविंद बोलो ।।

-----O-----

जुलम करै ये छुंछट मार मेरी भोरी भैया ।।

यशुदा मैया मेरी बड़ी भोरी

वाको मैं भोरो खिलार मेरी भोरी भैया ।

भोरी मैया को भोरोइ बेटा

ये छरछंड़ी नार मेरी भोरी भैया ।

हेला दैके मोय बुलावै

नेक कढ़ाय जा धार मेरी भोरी भैया ।

तो बिन दूध न देय हमारी

गैया कुं ऐसी परी द्वार मेरी भोरी भैया ।

जब जाऊं मैया चोरी लगावै

सांच धरम दर्द डार मेरी भोरी भैया ।

चोर-चोर कह नाम बिगारयो

मैया जाऊं मैं ब्रज पार मेरी भोरी भैया ।

सुनत यशोदा रानी कंठ लगायौ

ग्वालिन दीनी टार मेरी भोरी भैया ।।

-----O-----

मल में बरस्यो री कन्हैया प्यारो
वह मोर मुकुट वंशीवारो॥

मे तो भूली दुनियाँ सारी
मोँकूँ लोग कहैं मतवासी
मोहै लगै घरबार सबै खारो, वह मोर..।

मैंने ओढ़ी श्याम चुनरिया
सब की लग गई नजरिया
मोषे रंग चढ्यो है कारो, वह मोर..।

मैंने कुल की कान भिटार्ई
सब छोड़ी मान बड़ार्ई
सब मैंने भार में 'डार्यो, वह मोर..।

मोहन की अँखियां प्यारी
देखत ही तन मन हारी
मोहे जारो चाहे मारो, वह मोर..॥

-----O-----

गुजरिया झूठी है मुन मेरी मेया॥

मैं तो गाय चरायवे जाऊं
मोँकूँ बुलावै है, गुजरिया झूठी है..।

मैं भोरों जब घर कूँ जाऊं
मोँकूँ नचावै है, गुजरिया झूठी है..।

कबहुँ वंशी ये बजवावै
कबहुँ गवावै है, गुजरिया झूठी है..।

कबहुँ संग संग तुमका देवै
नेन चलावै है, गुजरिया झूठी है..।

कबहुँ मोते कारो बोलै
हंसे हंसावै है, गुजरिया झूठी है..।

ऊपर ते ये आग लगावै
जाल बनावै है, गुजरिया झूठी है..।

क्यों तू याको नांय भगावै
मोय खिसयावै है, गुजरिया झूठी है..॥

-----O-----

आज भिल गर्ई गली संकरिया में, गोरी घूंघट वारी।
कैसे घेरी गली संकरिया में, ओ मोहन दान विहारी।।

सिर पै मटकी दूध दही की

तू जानै है मेरे जिय की

मेरो मनुआं फंस्यो गगरिया में, गोरी घूंघट..।

दूध दही नायं सेंट-मेंत को

मांगे जैसे याही के बाप को

ना बसूं मै तेरी नगरिया में, ओ मोहन..।

इतरावै तू नार नवेली

ऐसे खिल रही जैसे चमेली

कैसे जच रही आज घघरिया में, गोरी घूंघट..।

कारो भंवरा संग संग डोलै

बिना बात के मोते बोलै

तू डोलै गली बजरिया में, ओ मोहन..।

बातन देर करै काहे कुँ

दान देय ना नेकउ मोकुँ

आज फंस गई जाल मछरिया में, ओ गोरी..।

ना दऊं ना दऊं ऐसे ना दऊं

नाच गाय तो तेरी सुन लऊं
देख माखन धर्यो मथनियां में, ओ मोहन..।

नांच देख लै मेरो प्यारी

आ संग नाचै जोवन वारी

तू मारे बान नजरिया में, ओ गोरी..।।

-----O-----

अरी डरपावै आयो हाऊ मां बड़ो बुरो बलदऊ॥

लै जावै हमकुं खेलन कुं, जहां सघन वन छांह घनी,
गवालबाल सब सखा जोर के, खेल खिलावै बहुत जनी,
कूदा-कूदी आँख-मिचौनी, राजा चोर सिपाऊ, माँ..।
मोते कहै तोय नंदबाबा, मोल लियो है कौड़ी में,
सखा संग के देय गवाही, हमने सुनी बजरिया में,
याही ते ये रँगट खेलै, हंस हंस सबै चिराऊ, माँ..।
नंद यशोदा गोरे-गोरे, ये कारो कहां ते आयो,
याको ब्याह न होवै मैया, तिलकन्ना रच मन भायो,
बन्यो-ठन्यो डोलै छैला सों, क्वारो ही रह जाऊं, माँ..।
सखा साथ लै चढ़ै ऊख पै, मो पै चढ़्यो न जावै है,
ऊपर ते ये किल्ली ठोकै, हाऊ काटन आयो है,

बड़े दांत हैं हाऊ के औ मुंहड़ो जैसे बिलाऊ, माँ..।
 मैया मैं जब भागन लाग्यो ,मोते पहले भज आवे,
 छोड़ अकेले मोकूँ बन में, ऐसेइ सब कूँ सिखराये,
 भाजत-भाजत हार गयो तन, कांपै पांय पिराऊँ, माँ..।
 रिसयायी रोहिणी दाऊ पै, श्याम बड़ो मुसकावै है,
 बोले दाऊ ये है झूठो, दावं दिये बिन भागै है,
 दोनों मैया हंस दोनों को, गोद लै लाड़ लड़ाऊँ, मां..।।

-----O-----

यारी मोहल ते लगाय लै, ऐसो पार और कोठ लांय।।
 या जग के सब पार एक दिन, साथ छोड़ भगजांय,
 याकी यारी सच्ची यारी, जनम जनम निभ जाय।
 जग के झूठे पार सबै, मतलब ते गांठ जुराय,
 काम बने पै फिर नांय देखें, नैना लेय फिराय।
 लै लै रंग श्याम रसिया कौ, अमृत बहतो जाय,
 मलमूतन को कहा भोगवो, माखी देख धिनाय।
 ये संसार फूस को छप्पर, आग लगै जर जाय,
 चल री सखी श्याम रसिया घर, जहाँ अमर है जाय।।

गोपिज पाछे डोलै, कान्हा रुप बावरो।।

काहु की चोटी को पकरै
 काहु को घुंघट खोलै, कान्हा रूप..।
 काहु के अंचरा को खेंचै
 हंस हंस मीठो बोलै, कान्हा रूप..।
 काहु की छतियन को छूवै
 नैनन में रस घोलै, कान्हा रूप..।

तिरछे सैनन कहै काहु ते

चल री करैं किलोलै, कान्हा रूप..।

राधा चरन कमल को भौरा

प्रेम बिक्यो बिन मोलै, कान्हा रूप..।।

-----O-----

टेढ़ो टेढ़ो श्याम टेढ़ी नजरिया तेरी।।

टेढ़ो मुकुट शीश पै वाको

टेढ़ो टोढ़ो श्याम टेढ़ी पगिया तेरी।

टेढ़ोई कुण्डल टेढ़ी माला

टेढ़ो टेढ़ो श्याम टेढ़ी लकुटी तेरी।

टेढ़ो ठाड़ो ललित त्रिभंगी
 टेढ़ोटेढ़ो श्याम टेढ़ी चलगत तेरी।
 टेढ़े तेरे हैं सब गवाला
 टेढ़ो टेढ़ो श्याम टेढ़ी चोरी तेरी।
 टेढ़ी गोपी टेढ़ी गारी
 टेढ़ो टेढ़ो श्याम टेढ़ी जारी तेरी।
 टेढ़ी रस लीला कुञ्जन की
 ब्रह्मादिक मोहें सुन तेरी॥

-----O-----

तेरे बैला कर रहे टोला श्याम सलोला॥
 जब ते देखे तेरे नैना, है गयो कछु अनहोना।
 तब ते भूल गई सब कछु मैं, नाय भावै घर भोना।
 मेरी तेरी बात चली है, सबइ लगावैं लोना।
 छूटी लोक लाज सब कुलकी, और कहा अब होना।
 खान पान हू भूल गई मैं, भूली सेज पै सोना।
 रातरात भर बैठी जागूं, कर रही रोना धोना॥

-----O-----

तेरे गुलचा गाल जमाय दूंगे, क्यों चोर कहै तू मोते॥
 कबहु माखन चोर बतावै
 कबहु इंडुरी चोर बतावै
 कबहु मटकी फोर बतावै
 कबहु सारी लहंगा परिया चीर चोर कहै मोते।
 कबहु नन्द भवन में जावै
 मैया ते कछु जाय लगावै
 कबहु मैया ते पिटवावै
 सांटी लैंके आँख दिखावै औ किल्लावै मोते।
 कबहु कहै चुनरिया फारी
 अंचरा खैंचै है बनवारी
 मैया तेरो श्याम खिलारी
 खट्टी मीठी बात बनावै मुंह बिचकावै मोते।
 कबहु कहै कलूटा कारे
 गारी देवे नाम निकारे
 कबहु चिढ़ावै गूठा मारै
 ऐसे ही रह जायगो बोले क्यारो बरुआ मोते॥

ब्रज में कैसे रहूँ, बताय भोरी भैया ।।
 गाय दुहावैं धार कढ़ावैं, ऊपर ते ये चोर बतावैं,
 इनते कैसे बचूँ, बताय भोरी भैया ।
 मैं भोरो ये मोय बुलावैं, दधि में ते चंटीं बिनवावैं,
 अब मैं कैसे करुं, बताय भोरी भैया ।
 पनघट पै गगरी उचवावैं, मटकी फोरन को लोना लगावैं,
 कैसे ये सब सहूँ, बताय भोरी भैया ।
 माता पिता गोरे तुम कारे, यों कह गारी देंय उधारे,
 कैसे ये सब सुनुं, बताय भोरी भैया ।।

-----O-----

वंशी के बजैया रे, श्याम तेरो रंग कारो ।।

तैंने कारी अंधेरी में जनम लियो

तू याही विधि कारो रे, श्याम तेरो रंग कारो ।
 तैंने कारी गेयन को दूध पियो, तू याही..।
 तैंने कारे नाग को नाथ दियो, तू याही..।
 तू दधि माखन मन को चौर, तू याही..।
 तू बस रह्यो सब की आँखन में, तू याही..।।

कौन दुहावै गैया कन्हैया छलबलिया ।।

आधौ दूध दुहै दोहनी में
 आधौ लै गटकैया, कन्हैया छलबलिया ।
 छिन दोहत छिन धार भिजावत
 छिन पकरै अचरैया, कन्हैया छलबलिया ।
 छिनही हँसै तिरछो मुसकावै
 यहै सिखाई तेरी भैया, कन्हैया छलबलिया ।
 कारो ओढ़ै कारी कामर
 बिदक जाय मेरी गैया, कन्हैया छलबलिया ।
 रसिया गावै सैन चलावै
 तुमका दै नचकैया, कन्हैया छलबलिया ।।

-----O-----

राधा गोरी मोहन कारो, सगआई नाय होय प्रोताबी ।।

कीरत कहै सुन पुरनमासी
 राधा गोरी है चन्दा सी
 कारो गिरिधर श्याम घटा सी
 कारो दूल्ह गोरी दूल्हन है यह बात लजानी ।

सुन कीरत प्रोतानी बोली
 तेरी बतियां भोली भोली
 जोरी दोनों की अनमोली
 गोरो मुख लटकारी पुतरी कारी आँख सुहानी।
 अघ बक बकी शकट संहारे
 कालीदह में नाशयो कारे
 सात दिना तक गिरिवर धारे
 राधा को मन चाह्यो गिरिधर सुन कीरत मुसकानी।

गोपी आपइ श्याम बुलावै
 माखन अपने हाथ खवावै
 चोरी को ये नाम लगावै
 देन उरह्नो जावै देखन श्याम रूप दीवानी।
 ब्रज में श्याम मोहनी छाई
 सब कुं मोह लियो है कन्हई
 गोपी माखन दूध मलाई
 चोरी औ दधि दान की लीला, ये सब प्रेम कहानी।।

-----O-----

रस भीलों सांवरिया राधे को रंग रसिया।।
 यमुना तट पै न्हावन बैठी श्री वृषभानु दुलारी,
 बैठ कदम पै निरखन लाग्यो मोहन श्री गिरिधारी,
 भयो रूप को बावरिया, राधे को रंग रसिया।
 कुंजन हवै के जाय रही जब श्री राधा सुकुमारी,
 आगे आगे मारग झारत, प्यारो श्री बनवारी,
 बिछावै फूलन जागरिया, राधे को रंग रसिया।
 ऐसी वंशी श्याम बजावै रीझै राधा प्यारी,
 वन कुंजन में सुनवे आवै लाज भार में डारी,
 छेड़ै तानन बाँसुरिया, राधे को रंग रसिया।
 कबहु ब्यार करै पीताम्बर वारै लेय बलैयां,
 चरन पलोटै प्यारी के निज कर ते कुंवर कन्हैया,
 फूलन की सेजरिया, राधे को रंग रसिया।।

-----O-----

ये तो माटी में लोट-पोट होय,
 यशोदा भैया तेरो ललजा।।
 रच पच कें सिंगार बनायो
 ये तो रेती में जावे सोय, यशोदा भैया...।

पूछ पकर बछरन की खिचरै
 पूछौ खिरक में कोय, यशोदा मैया..।
 रोके ते न रुकै यशोदा
 बरजे ते देवे रोय, यशोदा मैया..।
 आँख मीड़ काजर फैलायो
 तिलकहु दीयो खोय, यशोदा मैया..।
 चोरी हू अब करन लगयो है
 नाम दियो तेरो धोय, यशोदा मैया..।
 सूने घर में अचकै आवै
 कहा सुनाऊँ तोय, यशोदा मैया..।

-----O-----

देख्यो जाचै कन्हैया देख्यो जाचै
 छुंम छं छं छं छं छल नल नल॥
 काली के फन-फन पै नाचै
 फं फं फं फं फं फन नन नन।
 लाल अधर पै मुरली बाजै
 मं मं मं मं मं मन नन नन।
 हाथन में मणि कंकण बाजै
 कं कं कं कं कं कन नन नन।

पतरी कमर में किंकिणी बाजै
 किं किं किं किं किं कन नन नन।
 चरण कमल में घुंघरू बाजै
 घं घं घं घं घं घन नन नन।
 नभ में शिव को डमरू बाजै
 डं डं डं डं डं डन नन नन।
 ऊपर देव मृदंग बजावै
 धे धे धे धे धे धन नन नन।
 झांझ झील हू की धुन बाजै
 झं झं झं झं झं झन नन नन॥

-----O-----

पूतला जो तारन हारो, ऐसो और कौन दया वारो॥
 बाल घातनी चली पूतना, गोकुल सुंदर रूप धरे,
 तै लियो गोद श्याम छह दिन कौ, नील कमल रसगंध भरे,
 कालकूट विष लगयो स्तनन में ताला के मुख जारयो।
 पीयो दूध प्राण के संग हरि, और न मारे शिशु ब्रज में,
 हत्यारिन को मात बनाई, भोरो श्याम दयालन में,
 इन्हे छोड़ कहं जाये शरण जो ऐसो ब्रज रखवारो॥

बल्लरारी सांवरिया सबल पै जादू डार्यो।।
 यमुना न्हावत चीर चुरावै, बैठै जाय कदम पै,
 चीर लैन को नगन बुलावै, बाहर यमुना तट पै,
 गोपी बनी है पूतरिया, सबन पै जादू डार्यो।
 दूध दही को दान लेय, मारग रोके गिरिधारी,
 खाय खबावै सबै लुटावै, फोरै मटकी भारी,
 ऐसो नटखट नागरिया, सबन पै जादू डार्यो।
 चोर-चोर के माखन खावै, घर भीतर घुस जावै,
 बछरा खोलै धूम मचावै, भागै फिर छिप जावै,
 देखे तिरछी नाजरिया, सबन पै जादू डार्यो।
 वंशी ते जूझो खेंचै औ अपने पास बुलावै,
 चोली छुवै हंसै नैनन में, नैना नैन मिलावै,
 रोकै इकली डागरिया, सबन पै जादू डार्यो।
 पनघट पै इंडुरी लैकें नहिं देवै बहुत खिजावै,
 गगरी भर उंचवावै औ पानन की पीक लगावै,
 पोंछे मेरी आंचरिया, सबन पै जादू डार्यो।।

-----O-----

ब्याह कराय दै री, कहै कन्हैया मेरी भैया।।
 ब्रज की गोपी मोय चिढ़ावै
 कारौ कारौ कह चहकावै
 इन्हें समझाय दै री, कहै कन्हैया..।
 मोतै कहै तू क्यारो रहैगो
 कोई न अपनी बेटी देगो
 गोरी लाय दै री, कहै कन्हैया..।
 चोर चोर ये नाम निकारै
 ये सब मेरो ब्याह बिगारै
 दुल्हन मंगाय दै री, कहै कन्हैया..।
 मोते बहू की बात चलावै
 हेल उचवाय के सींग दिखवै
 फेर पार दै री, कहै कन्हैया..।।

-----O-----

कोई माखन चोर री ब्रज गलियन डोलै।।
 जो कोइ गेल में मिले अकेली
 बरजोरी गलबैया मेली

चलै न कोई जोर सी, ब्रज गलियन..।

लैके टोली गवाल बाल की
चोरी करै दही माखन की

घर घर मच रह्यो शोर सी, ब्रज गलियन..।

संग संग बंदर डोलैं वाके

मटका फोरैं दूध दही के

छींके डारैं तोर सी, ब्रज गलियन..।

सांझ सवेरे वंशी बाजैं

आधी रात को गोपी भाजैं

घर लौटें बड़े भोर सी, ब्रज गलियन..।

ब्रज को चंदा है मनमोहन

रस बरसावत डोलैं गलियन

गोपी बनी चकोर सी ब्रज गलियन..।

जल भरवे कुं गोरी जावैं

पनघट पे पीछे ते आवैं

खैंचे अचरा छोर सी, ब्रज गलियन..।।

-----O-----

कैसी चतुर सयाजी गूजरिया।।

मैं भोरो मेरी मैया भोरी

तू छलछंदिन है ठगवारी

कैसी मैयाय सिखाय गई गूजरिया।

मैंने ना देख्यो याको घर

घुसे होंगे घर में बंदर

कैसे लौना लगाय गई गूजरिया।

मैया ये है चोट्टी भारी

खाय-जाय मटकी पूरी सारी

मोते कह गई याकी सासरिया।

याके घर कौ सजन मोधुआ

इत उत डोलैं खाती पूवा

कैसी आँख दिखाय गई गूजरिया।।

-----O-----

बैना विरिधर ते भिलाय लै, भारी सुख पावैगी गोरी।।

इत उत काहे डोलैं सब मतलब के तू है भोरी,

तै जोबन को रस उड़ जावैं, फिर होय माथा फोरी।

गोरौ छूटै कारौ छूटै छूटै सब की जोरी,
बिछरौ भीत मिलै नाय जग में, जाय प्रीति सब तोरी।
फल फूलन की ज़ारी ये शोभा है दिन की थोरी,
जोवन नदिया बह जावै ज्यों धन है जावै चोरी।
अमर सुहागिन है जावैगी चूनर रस में बोरी,
लाल लाडली मिलैं खेलते गहवर सांकरी खोरी।।

-----O-----

ढीठ हठीलो अलबेलो कैसो जायो यशोदा ने लाव,
रानी यशुमति भोरी सजनी(येतो) छलिया छलके जाल।
रानी यशुमति कैसी गोरी, तन मन कारो गुपाल,
यशुदा भोरी है सकुचीली, लंगर गाय को न्वाल।
घर कौ पाय माखन नाय भावै चोरी कौ खाय निहाल,
गूजरी की मटकी नित फोरै, छेड़ै करै कुचाल।
बोली बोले सैन चलावै और बजावै गाल,
रसिया गावै मुंह मटकावै, नांचै दै दै ताल।
अंचरा खेंचै पायन छीवै तोरै मोती लाल,
ऐसी नदिया बही प्रेम की, रात दिना सब काल।।

दा दिव भाज गई, गोरी रस की भरी गुंजरिया।।
मोते बोली तोर ला पतौआ
दही पिवाऊं तोय कन्हैया
धोखो है के गई, गोरी छल की भरी...।
काठ दिन हाथ परैगी मेरे
वा दिन देखूं नखरे तेरे
नखरे दिखाय गई, गोरी छल की भरी...।
तेरे बाखर में में आऊं
बछरा खोल दूध चोखाऊं
सींग दिखाय गई, गोरी छल की भरी...।
पनघट पे गागर लुढ़काऊं
हंडुरी लै यमुना में बहाऊं
जुलम गुजार गई, गोरी छल की भरी...।
मारग में लूटूं दधि माखन
मटकी फोर खवाऊं बंदरन
बच के निकर गई, गोरी छल की भरी...।
मोते अटकी है है तू गोरी
तेरे घर में करूं मैं चोरी
फेंटी पर जो गई, गोरी छल की भरी...।।

इतनी मती उड़े तू नार, चिरेया उड़ कं जावैगी॥

हौलै हौलै तू कित जावै
अचकै अचक सरकती जावै
बातन में मोकूं बहकावै

दान दिये बिन कैसे मोते बचकें जावैगी।

मत पकरै मोहन मेरी बाँया
मोकूं है रही देर कन्हैया
देख दूर गई तेरी गैया
खँचा खँची मतकर ये मटकी गिर जावैगी।

ठाड़ी श्याम तू नैन भिला दै
अपने हाथन दही पिवाय दै
घुंघट खोल तनक मुसकाय दै
इतनी सूम बनें ये बिरियां फिर नाय पावैगी।

मोहन तेरो कहा बिगरेगो
घर को सजन कछु बहम करैगो
मेरो देस निकारो होयगो
सास ननद छरछंदी कह कह मोय पिटवावैगी।

गली सांकरी मोहन घेरी
रूप माधुरी ऐसी फेरी
गवालिन बंस में है गई चेरी
नैन मिले मुसकाय श्याम के गर लग जावैगी॥

-----O-----

धीरे चल्यो पीछे ते श्याम रह्यो आय॥

गोरे-गोरे माथे पै टीको चमकै,
धीरे चलो टीको सरक नाय जाय।
बड़ी-बड़ी अंखियन काजर सोहै,
धीरे चलो रेख बिगर नाय जाय।
मोतिन हार गरे में सोहै,
धीरे चलो अंगिया दरक नाय जाय।
धूम धुमारो लहंगा सोहै,
धीरे चलो धूम बिगर नाय जाय।
रसिया ते बचती रहियो सी,
धीरे चलो आय लिपट नाय जाय।
कानन झुमके बड़े सलौने,
धीरे चलो नथाली सरक नाय जाय॥

ऐसी कौन न मोहै श्याम देखे ॥

बड़े बड़े नैना पैनी कटारी,
ऐसी कौन कटै न श्याम देखे।
कजरा कोर कटीली बरछी,
ऐसी कौन चुभै न श्याम देखे।
भौहें बनी धनुष सी टेढ़ी,
ऐसी कौन मरे न श्याम देखे।
चितवन में मधुरे मुसकावै,
ऐसी कौन हंसे न श्याम देखे।
मस्तानी सी चाल झूमती,
ऐसी कौन चलै न श्याम देखे।
पीरौ पटुका उड़ फहरावै,
ऐसी कौन उड़ै न श्याम देखे॥

-----O-----

अरी दधि बेचनहारी, ऐयो अकेले में।
अरे नांय आऊं सांवरिया, मैं तो अकेले में॥
गोरी गोरी सोने की सी लगे पूतरी प्यारी,
पतरी कमर बड़ी लचकावै चाल चलै मतवारी,

अरी दधि बेचनहारी..।

कारौ-कारौ भंवरा को सौ, सौ-सौ फेरा देवै,
तेरे संग कारी ना होऊं काहै बलैया लेवै,
अरे नाय आऊं सावरिया..।

प्रेम पेंट ब्रज में लागी है क्यों भाजै तू प्यारी,
हम दोनों की प्रीति जुरी है, मत बन भोरी भारी,
अरी दधि बेचनहारी..।

प्रीति न जानें कारो भंवरां, उड़-उड़ के रस लेय,
गायन को गवारिया श्याम क्यो प्रेम दुहाई देय,
अरे नाय आऊं सांवरिया..।

सबरो जग है प्रेम रंगीलो, तू क्यों बच रही गोरी,
मत चूकै मैं तेरो प्यारो देखै चोरी-चोरी,
अरी दधि बेचनहारी..।

बंशी तनक बजा दै मोहन कुंजन यमुना तीर,
बंशी सुन गलबैया लागी, रह्यो न मन में धीर,
अरे नाय आऊं सांवरिया..॥

-----O-----

यशुदा दह्यो बिलोदै, कन्हैया बारो अंगना में खेलै ॥

महलों में खेलै अंगना में खेलै,
घुटमन घुटमन डोलै, कन्हैया बारो...।
कबहु तड़ो है कैं किलकै,
ओंगो मोंगो बोलै, कन्हैया बारो...।
पैजनियां बाजै छुम छननन,
पायन पटकत डोलै, कन्हैया बारो...।
पीरी झंगुलिया कमर घंटिका,
घुमें होलै होलै, कन्हैया बारो...।
कबहुं गिरै देहरी लांघत,
रोवत अंसुवा ढोलै, कन्हैया बारो...।
मैया गोदी लै पुचकारै,
फिरते करत किलोलै, कन्हैया बारो...॥

-----O-----

छोटो स्यो मेरो छोबा ये ब्रज को छिल्लौबा,
ये कौन ने रुलायो श्याम रोवत घर आयो ॥

अब ही मैंने सिंगार्यो रे

पीरी झंगुली धरायो रे

काजर को दियो छिटोना, ये ब्रज को...।
सबरी ब्रज की बैर परी
माखन चोर बनावें सगरी
चोरी कौ दै दियो लोना, ये ब्रज को...।
दिन रात चरावै गैया है
संझा को घर बगदैया है
कैसे खायो दधि दोना, ये ब्रज को...।
आँख मीड़ कजरा फैलायो
हिलकिन ते रोयो बिललायो.
ये कौन दै गर्ई रोना, ये बिरज को...।
ज्यानी की सब मरस्तानी हैं
दोष छिनारे को लगावैं हैं
बालक है नंद छिटौना, ये ब्रज को...।
यो आगे पीछे डोलैं हैं
मोहन को आप बुलावैं हैं
कर देवैं जादू टोना, यो ब्रज को...॥

ज्वालिल कैसी झूठी बात बलाय रही।।

माखन की तो कहा कही, मैंने छाछ नाय चखी,

याय नेंक सरम ना आवै झूठी बात कही।

माखन चोर और दधिदानी, मटकी फोर नाम मनमानी,

रोजइ नाम बिगारत डोलैं जहीं तहीं।

मैया ये सब चोट्टीं भारी, चोर लई मेरी बंशी प्यारी,

इननें जुलम गुजार्यो नहीं जाय सही।

आपै मोकूं झालो देवैं, अपने घर में मोय बुलावैं,

आपइ मेरे सामइ धरदैं मटकी दही।

भोरइ तू मोय माखन देवै, भर-भर थारी दही पिवावै,

झिके पेट ना खावै कोई काहे मान रही।।

-----O-----

झूठी बड़ी ये लुगैया, सुन लै मेरी मैया।।

दूध दही मुक्तेरो घर में

माखनं दैया भरे माट में

नौ लख बंध रही मैंया, सुन लै मेरी मैया।

अपने हाथन मोय जिमावै

भर-भर कें थारी तू प्यावै

भूखो न तेरो कन्हैया, सुन लै मेरी मैया।

भोरे ही गैयन पै मैं जाऊं

गाय चराय सांझ को आऊं

कब मैं गयो याकी ठैया, सुन लै मेरी मैया।

ये घर फोरी घर-घर डोलै

मीठी बातन में विष छोलै

इनते बचावै रमैया, सुन लै मेरी मैया।

घर बैठे को चोर बतावै

बाहर दान को लौना लगावै

ऐसी लगै ज्यों ततैया, सुन लै मेरी मैया।

डंक मार कें फिर उड़ जावै

ऊखल में बंधवा पिटवावै

पूछ लै तू बलमैया, सुन लै मेरी मैया।।

-----O-----

ला रे जाव अरे मल्लहा के, उतार पार यमुना के।
हम तोहे पुकारें रह-रह के, किनारे ताड़ी यमुना के॥

लै रहीं यमुना अधिक हिलोरें
चढ़ रहीं ऊपर देय झाकोरे
उड़े चूनरी ये झोंके ब्यार के, उतार पार...।

आओ बैठो ब्रज की नारी
उतराई कहा देंगी सारी
में पहले लऊं तहराय के, उतार पार...।

पहले पार उतार नवरिया
देँगी नाव लगाय किनरिया
जाय बैठी हैं ऊपर नाव के, उतार पार...।

यमुना बीच पहुँच गई नैया
गाय उठ्यो कछु गीत नवरिया
अरि ये तो है ढोटा नंद के, उतार पार...।

सबरी हंसी हंसी हैं प्यारी
आय मिले प्यारे गिरिधारी
कैसे कैसे हैं छंद नंदलाल के, उतार पार...॥

तैले छोड़े कहाँ मोर मुकुट धारे ओ कृष्ण बंरुरिया वारे॥

मोर मुकुट तज औढ़ी चूनरी
हाथन में क्यों पहरी चूरी
गोपी रूप धरे न्यारे, धरे न्यारे ओ कृष्ण...।

पीताम्बर तज चोली पहरी
कटि काछनी तज पहरी सारी
छतियन पै मोतिन हारे, मोतिन हारे ओ कृष्ण...।

कड़े छड़े बाजूबंद सुन्दर
हाथन मेंहदी पांव महावर
बिछुवा मुंदरी कर धारे, मुंदरी कर धारे ओ कृष्ण...।

ललिता पूछ रही गिरिधर सों
सखी सांवरी बोली छवि सों
राधा दरस आस धारे, आस धारे ओ कृष्ण...।

ललिता लै गई महल सांवरी
लम्बो धूँघट लंहगा वारी
ये आई चरन लगै न्यारे, लगै न्यारे ओ कृष्ण...।

प्यारी मिलवे लगिं गरे ते
समझीं धोखो भयो है मोते
हंस फूलन लै-लै मारे, लै-लै मारे ओ कृष्ण...॥

मालिन बरसाने में आई ।।

लेओ रंग बिरंगे फूलन, हार बहुत से लाई ।
ललित, ने टेरी वह मालिन, महलन में वह आई ।
कौन गाँव ते आई मालिन, कौन कौन की जाई ।
नेही नाम पिता को जानों, प्रीती मेरी माई ।
प्रेम नगरिया गाँव हमारो, जहां जन्म है पाई ।
कैसे आई तू बरसाने, दूर देस क्यों आई ।
सब कोऊ जानें भानुलाङ्गिनी, जस सुनके में आई ।
पायन लगी लीङ्गिनी के तब, बोली कीरति जाई ।
ऐसी रूपवती तू सजनी, सुनत ही गई लजाई ।
लै पहरा फूलन के हरवा, सुनत सांवरी धाई ।
पहरावन लागी लै हरवा, नैनन में मुसकाई ।
जान गई प्यारी ये छलिया, हंसन लगी मन भाई ।
सबनें जान लिए ये प्यारे, नंदलाल सुख दाई ।
राधा माधव मिले कुंज में, लीला रसिकन गाई ।।

लवा जायेगी नजर (तोहे) धनश्याम,

मत चलै झूमतो इतरातौ ।।

जो कहूँ देखेंगी ब्रज गोपी,

बिक जामेंगी बिन दाम, मत चलै..।

जुलम करै तेरी ये चितवन,

जाने मोल लियाँ सब गाम, मत चलै..।

जुलम करै तेरी ये मुसकन,

जाने कर दियाँ काम तमाम, मत चलै..।

जुलम करै तेरी ये मुरली,

जाने मोह्यो सब ब्रजधाम, मत चलै..।

जुलम करै तेरी माखन चोरी,

जाते चोर भयो तेरो नाम, मत चलै..।

जुलम करै तेरी छेड़ा-छेड़ी,

जाते बहुत भयो बदनाम, मत चलै..।।

-----O-----

राधारानी को कन्हैया बड़ो प्यारो,

मन मोहन मुरली वारो ॥

घर-घर माखन जाय चुरावै

माखन खाय दही फैलावै

माखनचोरी हू पै लागै बड़ो प्यारो, मन..।

पनघट पै जल भरन न देवै

गगरी भरी शीशा लुढ़कावै

गगरी फोरे पै हू लागै बड़ो प्यारो, मन..।

गली सांकरी छोरे नित ही

दधि को दान लेय बरबस ही

लूटै मटकी हू पै लागै बड़ो प्यारो, मन..।

कुंज गली में जो मिल जावै

बैंया पकर के रार मचावै-

रार करत हू पै लागै बड़ो प्यारो, मन..॥

-----O-----

तेरे नैना बाल कमाल छैल सुन नंदगैयां ॥

टेढ़ी भौंह मरोरा मारै

करै घायल ये मुरसकान, छैल सुन नंदगैयां।

मोर पंख सिर पै लहरावै

कैसी अलबेली शान, छैल सुन नंदगैयां।

लटुरी लटकै गोल कपोलन

तेरे झलकै कुंडल कान, छैल सुन नंदगैयां।

नैनन की कोरन साँ तिरछे

देखे मारै बान, छैल सुन नंदगैयां।

झूम चलै मुड़-मुड़ के देखे

पीताम्बर फहरान, छैल सुन नंदगैयां।

बंसी तो टगनी सी है गइ

मोहे मीठे तान, छैल सुन नंदगैयां॥

-----O-----

अरे मत निकसे गोकुलचंदा,
लगा जायेगी नजर नंदनंदा ।।

बाहर है मदमाती गुजरिया, अंखियां बनी कटारी सी,
काजर रेख नुकीली पैंनी मारे चोट दुधारी सी,
ऐसी मार बुरी है इनकी भूलैगो सब धंधा ।
बन्यो ठन्यो डोलै छैला तू, रूप तेरो है चटकीलौ,
चलै झूमकें चाल छबीलौ, ऐसो है तू मटकीलौ,
कैसेहु नांय बचैगो इनको बड़ो विकट है फंदा ।
भगजा यहां ते बेग लाढ़ले, नंदभवन कुं जल्दी सों,
मैया पै लगवाय छिटोना, माथे पै इक चौड़ी सौ,
मेरी मान सांवरे तू अलबेलो रस को कंदा ।।

-----O-----

गोपी माधुरी
जा परे मोहि मत छुवै सांवरे कारी है जाउंगी ।।

तन को कारो मन को कारो
ता पर ओढ़ै कामर कारो
चोरी जारी नाम है कारो
ऐसे कारो कान्हा तो ते बच के जाऊंगी ।
सुन ओ गोरी मन की कारी
कारो काजर अंखियां कारी
कारी भौहें पुतरी कारी
कारे केस बिना वेणी ये कैसे गुहावैगी ।
तू टेढ़ो तेरी लठिया टेढ़ी
टेढ़ी चाल नजरिया टेढ़ी
टेढ़े सखा मंडली टेढ़ी
दूरे रहियो नाय में भी टेढ़ी है जाऊंगी ।
टेढ़ी देखे टेढ़ी बोलै
टेढ़ी टेढ़ी बचती डोलै
सूधी कर दू आ बिन मोलै
हाथ पकर बोल्यो अब कैसे तू बच पावैगी ।।